

**02 IANUARIE
RUGĂCIUNEA
SF.CUVIOASE
IULIANA DE LA LAZAREVO
1**

Молитва

О, блаженная и Праведная Иулиание, от Пресвятыя Богородицы вдовою Милостивою чудне нареченная! К тебе, матери жалостливей, усердне притекаем, милость и нам подати молящся. Ты бо, в житии своем кресты многи претерпевши, и сама искушена по всяческим бывши, молитвами своими можеши и нам помощи в горестех наших: яко одержимы есмы грехми многими, отягчени скорбьми велиими, и враги лютыми обуреваемы есмы. Испроси убо и нам, о крестоносная мати, дух кротости и терпения, во гресех искреннее покаяние, на враги невидимыя силу противления и тех одоления и во всех бедах и напастех твердое на волю Божию упование; да безропотне, во спасение душ наших, возмем крест свой, за Христом

Спасителем нашим верно грядуще. Паче же, Милостивая угоднице Божия, моли Премилостиваго Бога, да вселит и в нас, яко же в тя, благодать сердца, всех милующаго; и самех врагов благословляющаго; точию же себе единех тебе подобно, во гресех укоряющаго: любви бо, беззаконий наших ради, зело оскуде; и токмо именем едином себе являем ученики Христовы; сердцем же и дела язычницы суще, о себе самех самолюбне пекущися. Исходатайствуй, о блаженная, и стране твоей Российской и всем в разсеянии сущим, мир и благоденствие, наипаче же к твоему древлему благочестию возвращение, злобы и зависти угашение, братолюбия и примирения умножение, от страстей же покаянием очищение и благодатию освящение. Да вси паки единеми усты и едином сердцем исповемы Троицу Единосущную и Нераздельную во веки веков. Аминь.